



UNIVERSITÄTS-  
BIBLIOTHEK  
PADERBORN

**R. P. Lvcæ Pinelli Societatis Iesv, Theologi, Exercitia  
Spiritualia Qvadragesima, De Sacrosancto Eucharistiæ  
Sacramento**

**Pinelli, Luca**

**Coloniae, 1608**

Exercitium XXIX. Sacrificium Melchisedech Sacramenti huius figuram  
extitisse. Gennes. Cap. 14.

---

[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

Orabis pro obstinatis in peccato mortali, vt DEVS illorum corda emolliat & ad se conuertat.

## EXERCITIVM XXIX.

*Sacrificium Melchisedech Sacramenti huius figuram exprimit. Gennel.*

Cap. 14.

## PUNCTA MEDITATIONIS.

1. **C**ONTEMPLARE pie Christiane Melchisedech in lege naturæ fuisse Regem & Sacerdotem: atque Christi figuram gessisse, qui est Rex & Sacerdos sed non habens necessitatem, pro peccatis suis primo sacrificium offerendi, vt ceteri quia ab omni peccato liber exiit.

2. **C**ONSIDERA hūc Melchisedech Abrahamo cum post profligatos quatuor reges, è prælio victor & hostium spolijs nudus reuenteretur, obuiam processisse, vt que DEO panem & vinum in sacrificium & gratiarum actionem pro parta victoria obtulisse.

3. **E**XPENDS tecum, Melchisedech benedixisse Abrahamo, quod diuino auxilio roboratus victor rediisset, atque omnia

DE SAC. EVCHARISTIAE. 193

quæ hostes abstulerant, non sine ingenti laude ac gloria sua recuperasset.

4. **CONSIDERA** sacrificium Melchisedech, figurasse primo cruentum illud Christi sacrificiū quādo corpus & sanguinē suum in humani generis redemptionem obtulit, qua oblatione diuinæ iustitiæ pro peccatis totius mundi satisfecit.

5. **REVOLVE** tecum, idem sacrificiū præsignasse sacrosanctum hoc corporis Domini Sacramētum, significabat enim Christum nobis corpus & sanguinem suū sub specie panis & vini relicturum, largāque benedictionem omnibus Abrahami filiis, id est omnibus Christi fidelibus impertiturum.

COLLOQVIVM.

**I**Ntuere Anima mea, quomodo occasione sacrificij Melchisedech, indies magis ac magis valor & efficacia Sacramenti huius manifestetur.

Sacrificia quæ antiqui Patres DEO obtulerunt, varia fuere, ad diuersos fines instituta. Quædam ad referendas communi benefactori gratiarum actiones. Nonnulla ad placandam iusti DEI indignationem. Alia ad peccata populi expianda. Quædam denique ad diuina beneficia impetranda.

At tibi amorosissimē Iēsv sit laus & benedictio, qui nobis de sacrificio tam preclaro & efficaci prouidisti, ut solū plus conferre possit, quā tot veterū Patrū sacrificia potuerunt impetrare. Quid enim ad reddendas Creatori gratiarum actiones, ad iras Dei mitigandam, ad veniam peccatorum consequendam, & dona caelestia impetrandam, melius, quid efficacius, quid accomodatius, quam Dei filius; qui quamuis pueris accidentibus velatus sit, propriū nomen non desinit esse Dei filius, atque omnipotens. Si alij postulantes aliquid a Deo in nomine ipsius exaudiuntur, quid non quando ipse Deus filius pro nobis potuerit? Audiamus anima mea, quid de hoc Euangelistam Ioannem scriptum sit: *diligit filium & omnia dedit in manu eius*. Audiamus etiam quid apud Mattheum de seipso dicat: *Data est mihi omnis potestas in caelo & in terra*. Itaque non minus potest in caelo, quam in terra. Obganniat igitur nobis quantum volet, gentilitas; obmurmurent, quantum possunt Iudaei, ille qui in sacra hostia continetur, est verus Dei filius, dilectus a Patre, tenens in manu sua sceptrum & dominium totius mundi. Ita est Domine, ita ego confiteor. Veruntamen o fortissime atq; inuictissime Abraham, dic mihi, qua deuotione

deuotione in *erim* vsus fuisti, dum à sacer-  
dote *DEI* Melchisedech, sacrificium panis  
& vini offerretur? Non dubito magnam fu-  
isse deuotionem tuam, teque dicere potuis-  
se, vt solebas: En hic consisto *cum sim puluis*  
& cinis, & confiteor victoriam magis *DEO*  
quam mihi adscribendam esse. Quanto er-  
go maiori cum deuotione, ego in huius  
Sacramenti praesentia consistere debebo,  
quod sacrificium tanto dignius est, quan-  
to Filius *DEI* dignior est Melchisedech?  
Anima mea, clare satis intelligo, quod per-  
specta huius sacrificij virtute & efficacia,  
cuperes ab amerosissimo *IESU* benedici,  
quemadmodum Abraham à Melchisedech.  
Sed aduerte, si benedictionem hanc conse-  
qui voles, prius necessarium esse, vt hostes  
vincas, vt fecit Abraham; quia diuina be-  
nedictio non consistit in verbis, sed in do-  
nis caelestibus; quem enim *DEVS* benedi-  
cit, omni gratia implet. Si ergo à passio-  
nis & inordinatis appetitionibus qui sunt  
hostes tui, vinceris, non es dignus à *DEO*  
benedici sed potius reprehendi & castigari.  
Vince igitur temetipsam, si vis à Domino  
in terra benedici, & in caelo gloria coro-  
nari.

## ORATIO.

**B**enignissime IESV, quandoquidem tua sancta benedictio obtineri nequit nisi prius exemplo Abrahami, hostes profligentur, adiuva me tua sancta dextera quemadmodum Abrahamo auxiliatus es, ut viriliter contra omnia vitia & peccata decertando, ea profligem, & inter necioni tradam: sicque benedictionem tuam consequar. Amen.

## MIRACVLA.

**G**abri. Biel. ser. 3. hebdom. Sanct. & Secret. Discip. 4. referunt, Foeminam quaedam ab omni spe destitutam, vitam laqueo hunc re decreuisse. Cum igitur laqueum trahi fixisset, iamque ascensum moliretur, & laqueum collo circumdaret, audiuit vox ex Ecclesia Catholica moris est, campana sonantem, ad sacrosanctae Eucharistiae sacrificio Missae elevationem: quapropter descendit, & genibus flexis, uti consueverat, versiculum illum: *Adoramus te Christe* &c. recitavit. Vix verba finierat, cum miraculosè trabe contracta laqueus decidit. Daemon in rabiem actus, ad mulierem ait: *Gratias age Sacrificio corporis & sanguinis*

DE SAC. EUCHARISTIAE. 197

nis Domini, propter quod in anima & corpore salutem hodie consecuta es.

S. Antonij. hist. 2. par. tit. 9. cap. 10. narrat. Duos adolescentes quadam die ad aucupiū egressos esse: cumque in campis pariter aibus illaqueandis intenti forent; ecce tibi ingens de improviso tempestas illos occupat: magno eum ventorum, fulgurum tonitruum, aliorumque inconditorum tumultuum fragore ac strepitu. Audita fuit intra hæc terribilis quædam vox in aere, quæ illos penè exanimavit: clamans, *Occide, occide*: statimque sagitta de cælo delapsa, alterum eorum interemit.

Alter socij morte attonitus, quid ageret nesciebat, & ecce iterum eandem vocem fortius ingeminari audit, *Occide occide*. Fugiebat igitur hæc illaque, ut mortem evaderet, cum aliam vocem exaudit dicentem: *Occidere hunc nequeo, quia Sacrificio panis & vini consecrati hodie interfuit; & illa S. Ioannis Euangelij verba audiuit, Verbum caro factum est.* Saluatus igitur fuit propter auditum ea die Missæ sacrificium, & sacrosanctam Eucharistiam adorantem.

Prompt. serm. 16. B. Virg. refert. Militem quendam vno oculo priuatum, sed sacrosancto Eucharistiæ Sacramento, & Missæ sacrificio,

sacrificio, presertim B. Virginis MARIÆ  
 addictissimum, cum Ecclesiam perturan-  
 ret, audiuisse inchoari Missam de B. Virgi-  
 ne MARIÆ, *Salve sancta parens*: Ingressus  
 est igitur, & genua flexit, ut eandem au-  
 det. Aderat Iudæus quidam, qui hoc cernens  
 ipsum irridere, & B. Virginem blasphema-  
 re cepit. Miles surgens, colaphum in signum  
 propter injuriam B. Virgini illatam, ei pro-  
 fregit. Iudæus è vestigio Iudicem adijt, de  
 que vi sibi à milite facta, questus est: cum  
 mabat autem, militem hunc monoculum  
 esse. Missæ sacrificio peracto, ceteri omnes  
 egressi sunt; solus miles in templo reman-  
 sit, eo quod foris iustitiæ ministri extrin-  
 eus præstolarentur. Interea sanctissimi huius  
 Sacramenti virtute, & Beatæ Virginis inter-  
 cessione alter oculus ei restitutus fuit: qui  
 propter egressus carnifices ipsos ita per-  
 transt, ut ab ijs minimè, vepore qui non  
 esset ultra monoculus, agnosceretur.

Iudæus etiam ex miraculo con-  
 fusus, cum abire per-  
 misit.



## DOCUMENTVM.

**E**lli si plurima presentis vita pericula  
 vitæ euadere, magna semper erga Sa-  
 crificium Missæ, suis deuotione, & humili-  
 ter Domino ibidem presenti te commen-  
 da, ut illius Sacrificij DEO acceptissimi  
 virtute, à multis laqueis & tribulationi-  
 bus huius mundi libereris.

Orabis pro illis qui in carceribus aut tri-  
 ribus constituti, Missarum solenniis  
 interessere queant.

## EXERCITIUM XXX

*Panes propositionis Sacramenti huius  
 figuram gessisse.*

## PUNCTA MEDITATIONIS.

1. **C**ONTEMPLARE serue DEI, in  
 veritate lege à Domino iustum fuisse,  
 vt in mensa tabernaculi proponerentur  
 panes, ijque manerent in conspectu Domi-  
 ni, nec vnquam deessent: hi autem panes  
 vocabantur *panes propositionis*.
2. **C**ONSIDERA, hunc panem fuisse  
 sanctum & sanctificatum: ideoque à mensa